


մտցնից, եթէ քաղաքը դիպուածով շրջելն եւ նորա առաջ շնչելն: Մենք ի բոլոր սրտէ քանակաւմ ենք, որ Նա վայելէ իւր քաղղի արգասիքը: քայք Կիւննայի թերթի այն հետեւութիւնը, թէ Նա այդպիսով Նիւտոն է հանդիսացել եւ «տիեզերքը շարժման վարդապետութիւն» հանդէս բերել, մինչ և Էլմիածնի միաբանները մինչեւ այժմ տեսնում էին խնձորի ծառէն իյնալ» եւ ոչինչ չէին հասկանում՝ առնուազն չափազանցութիւն է:

Աւելի զարմանալիս այն է, որ Նոյն թերթը, Նոյն տեղը, բոլորովին հակառակ եզրակացութեան է եկել Արարածի յիշնալ յօղութիւն կից մեր հրատարակած Դոկրենացու պատմութեան հատուածի նկատմամբ: Այդ հատուածի վերայ ուշադրութիւն ենք դարձրել մինչ ինքներս, առանձին ինամքով եւ քաւականաշաւի աշխատութեամբ որոտադել ենք մենք ինչպէս եւ նորա մասին գրած նկատողութեան ստորեւ Կ. Վ. տառերը ցոյց են տալիս, քայք Հանդէս ուսուցչացի համար այն անխոնջ գրագէտ Դալուստ Տէր Մկրտչեանի մէկ նոր գիւտն է: Երեւի այդ ենթադրութեան առիթ եղել է մեր յիշատակութիւնը, թէ Խորենացու հատուածին յարակից Նիւթերը Գ. Տէր Մկրտչեանը պատրաստել է տպագրութեան համար, քայք միթէ մէկից միւսը հետեւում է:

Կ. Վ.



ՄԱՆԿԱՎԱՐԺԱԿԱՆ—ԲԱՆԱՍԻՐԱԿԱՆ.

ԽԱՂԻԿՆԵՐԻ ԽՆԱՄՔ ԴՊՐՈՑՆԵՐՈՒՄ.

Գերմանական բազմաթիւ դպրոցական համայնքներից մէկի մէջ (որ բաղկացած է մի քաղաքից, մի գիւղից եւ մի իշխանական կալուածքից) տարիներից ի վեր հաստատուել է մի մանկավարժական ընկերութիւն, հետեւեալ նպատակներով.

1. Տարածել դաստիարակութեան վերաբերեալ լուսաւոր գաղափարներ խօսքով, գրքով, օրինակով (կազմելով երեկոներ ծնօղների մասնակցութեամբ, տարածելով մանկավարժական գրուածքների օգտուելով օրական մամուլից եւ այլն).

2. Հոգալ, որ դպրոցական դասերից ազատ միջոցներում աշակերտները ունենան յարմար գրադմունքներ եւ հսկողութիւն (մանկական խաղեր, ծաղիկների խնամք եւ այլն).

3. Հոգալ, որ նոյնօրինակ գրադմունքներ եւ հսկողութիւն ունենան նաեւ դպրոցից ելած

պատանիները (համեալ զուարճութեան երեկոներ եւ այլն).

4. Օժանդակել եւ պահպանել դպրոցների նպատաւոր հաստատութիւնները (խնայողութեան դանձարանների, դպրոցական գրադարանների, դպրոցական պարտէզների եւ այլն):

Ընկերութիւնն իւր գոյութեան կարճ ժամանակում շատ բարիք է գործել եւ շատ ուրախութիւն է սփռել: Ծնօղական երեկոները միշտ բազմամարդ են լինում: Խնայողութեան դանձարանը արդէն 178 խնայող անդամներ ունի, որոնք ի միասին տարեկան մօտ 2500 մարկ են յետ ձգում: Մայիսի յունիս, յուլիս եւ օգոստոս ամիսներում կազմուող մանկական խաղերում վերջին տարին մասնակցեցին 1528 անդամներ: Բայց ամենամեծ ուրախութիւն է պատճառում մեծին եւ փոքրին ծաղիկների խնամքը: Ամենայն տարի մայիսի 1-ին բարձր եւ միջին դասարանի աշակերտուհիներին ընկերութիւնը բաշխում է ծաղկի տունիկեր այն վախճանով, որ տնարարութեան սովորութիւնը կենդանացնէ, մանաւանդ փոքրիկ խնամարկուհիներին ընտելացնէ, սիրել բուսական կեանքը, տոկուն լինել, փոյթ ունենալ, հաւատարմութեամբ պարտականութիւն կատարել:

Բոյսերի ընտրութեան ժամանակ աւելի ուշք են դարձնում, որ բաշխուած տեսակները լաւ խնամքի տակ զգալի կերպով արգիւնաւոր լինին: Զոր օր, այս տարի ստացան Միջին դասարանները՝ երկու տեսակ արագըլակաւոց (*pelarganium zonale* եւ *peltatum*), աղուեսուկ (*fuchsia hybrina*), պետունիա (*petunia hybrida*).

Բարձր դասարանները՝ *pegonia metalica*, *coleus*, արեապէմ (*heliotropium peruvianum*) եւ սենեկի լորի:

Ծաղիկները բաշխուեցան քաղաքային ուսումնարանի մարզարանում մի թերթի հետ ի միասին: Հետեւեալ տեղեկութիւնները մէջը նշանակելու համար.

1. Աշակերտուհու համարը, դասարանը եւ անունը.

2. Ծաղկի անունը.

5. Տալու օրը.

4. Չորացել է և փոխարկներ այլ ծաղիկ ստացուել է այս ինչ ... օրը:

5. Տունկը փոխադրուել է այս ինչ ... օրը:

6. Յուցահանդիսին ներկայացուել է այս ինչ ... օրը:

7. Գովութեան արժանացել է այս ինչ ... մրցանակով:

8. Ծանօթութիւններ:

Ծաղիկներ յանձնելուն պէս՝ օրիորդներին խրատներ ևս տալիս էին իրանց խնամց յանձնուած ծաղիկների հոլթեան և այմանների մասին (բանելու տեղն ու հողը, իկլը մաքրելը, ցողունի և տերեւների կապելը, թառամած կամ հիւանդացած մասերի հեռացները և այլն) և բացի սորանից առաւելապէս նոցա ուշքն էին դարձնում հետեւալ հանգամանքների վերայ:

1. Ծաղիկները ձեր խնամոցն ենք յանձնում: օրիորդներ, և ոչ թէ ձեր մայրերի կամ մեծ մայրերի խնամոց: Ով որ ստացած տունկը ինքն անծամը և փութով խնամէ, նա կարող է յոյս ունենալ, թէ զովութեան կարժանանայ:

2. Եթէ տունկը չորանայ, իսկոյն տեղեկութիւն պէտք է տալ ուսուցչին: Նա հարկաւոր անօրէնութիւններ կանէ (թերթի մէջ ծանուցում կուտայ—փոխարկէն այլ ծաղիկ կուտայ):

3. Փոխադրութիւնը նշանակած օրը կը կատարուի պարտիզի մէջ:

Ուլթը շարաթ տունկը խնամելուց յետոյ, հասաւ արդիւնքը տեսնելու և փոխադրութեան օրը: Մանուկները դասարան դասարան այն պարտէզը հրաւիրուեցան, որտեղից որ տունկերը ստացուել էին: Պարտիզի տէրը հիմնաւոր քննութեան ենթարկեց իւրաքանչիւր տունկը, խորհուրդներ տուեց խնամքի շարունակութեան համար և վերջապէս իւր օգնականների միջոցով տեղն ու տեղը նոր հողի մէջ փոխադրել տուեց, առանց վարձն առնելու: Այսպէս շարունակեցին խնամելութիւնը կանաչել և ծաղիկ դուրսը, պատուհանի սեամքի վերայ, թափանցիկ ապակու յետեւ, մինչև որ վերջապէս հասաւ ցուցահան-

դիսի ցանկալի օրը: Օգոստոսի 31-ին դասարաններում ծանուցում տրուեցաւ:

1. Սեպտեմբերի 1-ին ծաղիկ տունկերը դարձեալ պէտք է ներկայացուին: Այս վախճանով մարդարանում պիտի հաւաքուին՝ ա. դասարանը ժամի մէկին, բ. դասարանը ժամի 2-ին, գ. դասարանը ժամի 3-ին և դ. դասարանը ժամի 4-ին:

2. Իւրաքանչիւր տունկի ծաղկալար պէտք է փաթաթուի գունաւոր մետաքսակերպ թղթով և տակի թաղար ունենայ:

3. Տունկի նեցուկ ձողի վերայ պէտք է երկու փոքրիկ մեխերով մի քարտ պնդացնել, որ խնամակալուհու անձի մասին տեղեկութիւններ պիտի բովանդակէ:—(Այս քարտերը ձրի են ստանում մանուկները: Նոքա տպագրուած ձեռնին հարկաւոր մասերով—առնուն դասարան, հասակ—իսկ մնացածը վերան լրացնում են աշակերտուհիները ի միասին զրութեան դասերից վերջը):

Յուցահանդէսը տեւում է երկու օր, սեպտեմբերի 2-ին և 3-ին: Բացուում է սեպտ. 2-ին Սեդանի յաղթութեան տօնին: Ծնօղներն ու ընտանիքի հասակաւոր անդամները հրաւիրուում են ցուցահանդէսը այցելելու:

Մանուկները նշանակուած ժամին խնդութեամբ բերեցին իրանց փայփայած աւանդը: Իւրաքանչիւր տունկը կարճ քննութեան ենթարկուեցաւ, և եթէ փչացել էր՝ թերթի մէջ նշանակուեցաւ: Ապա մրցանակ բաշխողները պարտիզի տիրոջ նախագահութեամբ իրանց պաշտօնն սկսեցին, որպէս զի գնահատեն երեւցած արդիւնքները և որոշեն 25 զովութեան արժանի օրնակները: Հետեւանքն այս էր. մայիսի 1-ին բաշխուած 150 տունկերից

1. չորացել էին մօտ 6 ⁰/₀,

2. թերի էին աճել մօտ 4 ⁰/₀,

3. կանոնաւորապէս զարգացել էին մօտ 60 ⁰/₀,

4. պատուական կերպով ու աճացել էին մօտ 30 ⁰/₀:

Հետեւանքն ուրեմն խիստ մխիթարական պիտի կոչուէր:

Ապա որոշ ժամին բացուեցաւ ցուցահանդէսը: Տօնախմբութեան ներկայ էին քաղա-

քային խորհրդի անդամները, դպրոցական աւագագոյն վարչութիւնը, ուսուցիչները, ծաղիկխնամող օրիորդաց դասատուները, և հարկւրի շափ հայրեր, մայրեր և լուսաւորութեան բարեկամներն: Տեղեկատուն իւր բացման ծառով ցոյց տուեց ծաղիկների կանոնաւոր խնամքի դաստիարակչական նշանակութիւնը, շնորհակալութիւն յայտնեց գործին նպաստողներին և վերջապէս այն աշակերտութիւնների անունները կարդաց, որոնք որ մրցանակով պատուեցան: Այսպէս անսովոր ցուցահանդէսը խիստ բազմաթիւ այցելուներ ունեցաւ: Ոչ միայն տեղական քաղաքացիք, այլ և շրջակայ գիւղերից անթիւ յաճախորդներ եկան և իւրեանց զարմացումն ու խնդրութիւնը արտայայտեցին պայծառերանգ տեսարանի մասին: որ իրանց առջև բացվում էր, երբ որ մտնում էին մարդարանը: Յուցահանդիսի միջնակէտը կազմում էր իւրեանց իշխանապետի կիսարձանը շրջապատուած սենեկազարդ շքեղ բոյսերով և ծաղիկ կողովներով: որ ընկերութիւնը ձօնել էր իրրեւ ընծայ մրցանակի համար: Այս միջնակէտի շուրջ դասաւորած էին սպիտակ սիւռնցով ծածկուած երկար սեղանների վերայ 141 խնամուած տունկերը: Երջանից շաւերը աչքի էին ընկնում ծաղկած հոյակապութեամբ: միւսները, ինչպէս զոր օր. coleus — տեսակները, հիացնում էին իրանց տերեւների բարդաւաճութեամբ, խոշորութեամբ և երկնական գոյնութեամբ: իսկ ամէնքը հրապուրիչ էին սպիտակ և կանաչ ներկած ձողերով, զունաւոր և ծաշակով զարդարուած մետաքսակերպ լոթիներ, փաթեթներով և այն անծածուկ փութով, որով իւրաքանչիւր փոքրագոյն ձիւղն անգամ կարգաւորած և պնդացրած էր:

Յուցահանդիսի վերջը աշակերտութիւնները դասարան դասարան յետ ստացան իրանց խրնամած բոյսերը: Սոքա այսուհետեւ նոցա սեպհականութիւն են: Մրցանակի արժանացած աշակերտութիւնները ստացան բացի ընծաներից նաեւ մի նկարակերտ գովասանական վկայագիր, որ պատրաստեց մանկավարժական ժողովը: Այս վկայագրերը այժմ անշուշտ որպէս պատի զարդ տնկրում պատուաւոր տեղ են բռնում և իրանց տէրերին երկար

ժամանակ, թերեւ մինչև ծերութեան օրերը, կը յիշեցնեն անմեղ և սրտաշահ մանկութեան ուրախութիւնները:—

Այս մանրամասն տեղեկութիւնները հանելով „Pädagogische Studien“ պարբերական թերթից, կը ցանկանայինք ընթերցողների ուշադրութիւնը դարձնել թէ ինչպիսի փոքր միջոցներով կարելի է մանուկներին և ծնողներին մեծ ուրախութիւն պատճառել և եթէ, դպրոցատիրութիւնը կենդանի է մի համայնքի մէջ, այնտեղ ամենափոքր անդամ անգամ, զոր օր. մի պարտիզպան, աւելի մեծ աւագների միախորհուրդ գործակցութեամբ, ինչպէս կարողանում է մի բարի գործ փախճանին հասուցանել և օրհնութիւն տարածել շատ և շատ ընտանիքներում:

Ս. Մ.

ՄԱՆՐԱԼՈՒՐՔ.

Սեպտ. 18—50-ին վաթսանեցաւ Լայպցիգի համալսարանի սննդոր ուսուցչական ակումբի աւագ անդամ, փիլիսոփայութեան ուսուցչապետ Վիլհելմ Դոբրիշ, 94 տարեկան հասակով: Հանգուցեալը հերթաբարտական ուղղութեան գլխաւոր սինդրից մէկն է նոյն եւ իւր կենսքի խնդիր դարձրել է ընդարձակել եւ տարածել Հերթաբարտի ուսումը: 1824 թ.-ին սկսելով իւր դասախօսութիւնները Լայպցիգում, որ եւ ծնել ու ունել էր, նա մինչեւ վերջն էլ մտաց այդտեղ եւ շարունակեց իւր ուսուցչական գործունէութիւնը մինչեւ 1886 թ.-ը, հրատարակելով միաժամանակ մի շարք յայտնի գրութիւններ հոգեբանութեան եւ փիլիսոփայութեան միւս ճիւղերին վերաբերեալ: Երօնի փիլիսոփայութեան մասին կարդացած իւր դասախօսութիւնները համար նա ստացել էր նաեւ աստուածաբանութեան դոկտորի պատուոյ անուանումը:

Ժողովրդական և բնական շարժում Անգլիայում: Բացի համալսարաններից, յաճախ տեղի ունեցող հրապարակական դասախօսութիւններից, Լեզլիայում վերջին տարիներս աւելացան բազմաթիւ և բնական հաստատութիւններ հասարակ ժողովրդի դաստիարակութեան համար: Ե՛ւ ինչպէս—Ե տրիտի բազմաթուփստեան դպրոցը 41000 անդամ ունի: Այս և բնական մեծ հաստատութիւնը հիմնուած է շնորհիւ մի միլիոնատիրոջ առատաձեռնութեան եւ գտնուում է Լոնդոնի համեմատաբար հարուստ մի թաղում: Սրանից չորս տարի առաջ Բորոու—Բորոում, հարաւային Լոնդոնի աղքատ դասակարգի համար հիմնուած է նոր բազմաթուփստեան դպրոց, իշխանութեան եւ մասնաւոր նախաձեռնողների ջանքերի շնորհիւ: Ցասը տարի առաջ հարաւային Լոնդոնի լուսաւորուած քանկիւնները կազմեցին մի մասնաժողով, որի նպատակն էր 1500 քանդակ համար հիմնել ժողովրդական բազմաթուփստեան դպրոց: Միջոցներ